

Èkwo k'èbo, Pòlu deru nù Ndu Tesalonáyika

¹ Èkwo-ozì ọwaa shì l'èka mbèdua, bụ Pòlu alarụ chọchi Tesalonáyika, bụ ndu kẹ Nchileke, bụ Nna ayi; mẹ Nnajiufu, bụ Jisọsu Kuráyisutu. Ndu mu l'èphe gbakọru èka ede iya bụ Sulivánọsu; mẹ Tímoti.

² Tẹ Nchileke, bụ Nna; mẹ Nnajiufu, bụ Jisọsu Kuráyisutu meeru unu eze-iphe-ọma; mekwaa-phu t'unu buru l'èhu-agu.

Ikpe, Kuráyisutu e-kpe teke ọ byaru

³ Ụnwunna ayi; ọ dukwa l'ọ bụ ụgwo; ayi ejiru iya; mbụ l'ayi anọdujelephu ekeleru unu Nchileke ekele; okfu l'ọ bụ iphe gbaru ayi l'ememe. Iphe ọbu bụ l'ekwekwe, unu kweru kẹ Nchileke bẹ eshihulephu ike ọgbodo eshihu eje; obu, unu yeru ibe unu l'èhu l'èhu akakwaphu nshinu eje ejeje. ⁴ Ọ bụ iya meru iphe ayibedua l'onwayi egudeje unu asa nsasa l'iphe bụ chọchi Nchileke. Ishi nsasa ayi aburu l'unu richiru obu; kwelekwaphu l'iphe unu kweru: l'ège ono, eeme unu kpakpawowo ono; mẹ l'iphe-èhuka ono, unu eje ono.

⁵ Ono aburu iphe unu e-gudekwanu èka mawaruru nta-a l'ọo oswi-okfu; lẹ Nchileke ekpeje ikpe nhamunha. Ọ bụ iphemiphe ọbule ono, amụtsuaru unu ono e-me; unu adu kẹ ọbahu l'èke Nchileke bụ eze, bụ iya bụ iphe ọbu, unu anwu ọnwu iya ọbu. ⁶ Nchileke

bẹ bụ onye emeje iphe nhamunha; mbụ l'iphe bụ ndu ono, meru; unu eje iphe-ehuka ono l'ephe ha bẹ oo-mekwaphu t'ephe jee iphe-ehuka. ⁷ Unubedua obu, aakpa ehu nta-a bẹ oo-me; unu enweru onwunu. Yo bukwaruphu ege ono b'oo-me ayibedua. Teke oo-me iphe ono bẹ bụ teke Nnajiufu e-shilephu l'imigwe bya yele unwu ojozi-imigwe iya ono, bụ ephe e-koshi ege ike iya hatabe nshinu ono. ⁸ Oogude oku, ere raphuraphu; shi l'imigwe bya bya agwaa ndu e-ta madu Nchileke ochi; me ndu e-te emedu iphe ozi-oma k'ehu Nnajiufu ayi, bụ Jisosu kfulu. ⁹ Ochi obu, aa-gwa ephe obu bụ l'ee-bufu ephe l'ifu Nchileke; je edobe ephe l'eke ephe a-nodu laa l'iyi jeye le tutu yoyo. Eke ono bẹ ephe a-nodu; ephe ta abyadu bya aphukwadu Nnajiufu ayi enya odo; ephe ta aphuhe odubiribiri iya; me ike iya. ¹⁰ Ono bụ iphe eme mboku ono, oo-bya ono; k'ophu ndu nk'iya; mbụ ndu kwehawaru nk'iya a-kwabẹ iya ugvu; jakwaa ya phụ ajaja. Unubedua l'onwunu bẹ anodukwaphu l'eke ono, ndu nk'iya no ono; okfu l'unu kwetaru ozi ono, ayi byaru bya ezia unu ono.

¹¹ Oo ya meru iphe ayi anodujelephu ekfu anụ Nchileke l'okfu eka unu; te Nchileke ayi ono mee unu t'unu du ke onodu ndzu ono, o kuru unu oku iya ono; me t'o gude ike nk'iya; mee t'unu du ike mejee iphe du mma, agu unu agugu ememe; yo mekwaaphu t'o dzua okè mbụ ndzu ono, unu no ono; okfu l'unu kweru nk'iya. ¹² Oo ya bụ k'ophu ee-shi l'eka unu; kwabẹ epha Nnajiufu ayi, bụ Jisosu ugvu;

Nchileke eshikwanu l'èka Nnajiufu ayi, bụ Jisọsu kwabẹ unubèdua ugvu. Iphemiphe ọbule ono bẹ Nchileke e-shikota l'eze-iphe-oma iya; mę kę Nnajiufu, bụ Jisọsu Kuráyisutu mekota.

2

Ọ-chị-nta Kuráyisutu

¹ A bya abya nta-a lę kę abyabya kę Nnajiufu ayi, bụ Jisọsu Kuráyisutu; mę kę edzuko, ayi e-dzuko; jekfu iya t'ayi l'iya tųgbabe bųru nanų bę ayi arọkwa unu; unwunna ayi; ² t'ę b'o jekwa ọtsu unu l'ẹhu; ọphu obu 'awatakebekwa unu ote etete; okfu l'a sųru unu lę Eswe kę Nnajiufu gbe ruwa. Unu be eyekwa ọnu; mbų m'o - ruhuduru: o nweru onye byaru bya asų unu l'ọ iphe Ume-dų-Nsọ kfuru iya bę ya ekfu; ọdudu bųru l'ọ kwa iphe madzų kfuru iya bę ya ekfu; ọdudu bųru l'e deru iya l'ẹkwo-ozì, a sųru l'ọ ayibedua deru iya. ³ Unu be ekwekwa lę phuu t'o nweru onye e-duphu unu ọzo; lę mbọku ono ta abyakwa jeye teke ọ bya-oduru mbų teke ono, ndiphe e-kwefuru Nchileke íkè ono; mę teke ọ byaoduru mbų Nwa-o-mebyi-ekemu ono, bų iya bų onye ono, lafųtaje l'iyi ono. ⁴ Ọ -byalephu bę ọo-sų l'ọ bųru kę yele iphe bų iphe ndiphe ekukpo “nchi”; mę iphe bų iphe ndiphe abaru eja. Oo-woru onwiya dobe lę ya kakọta iphemiphe ọbule nshinu. Oo-jetsubuaru je asųgabe onwiya l'eze-ulo Nchileke; sų l'ọo yebedua bų Nchileke l'onwiya.

⁵ ?Unu ta nyatahedu lę mu kfuhawaru iya unu teke mu l'unu nọ? ⁶ Unubèdua l'onwunu

makwaru-a iphe akposhi iya abyabya nta-a. Oo ya bu le Nwa-o-mebyi-ekemu ono a-byalephu teke o gbaru iya l'abyabya. ⁷ Ike ono, e ta phudu l'enya, bu ike ke Nwa-o-mebyi-ekemu ono ereekwanua ire nta-a. Obenu le yebedua t'abyakwa bya abyabya jeye teke onye ono, sedokwaduru iya nu ono a-tochiru iya. ⁸ Oo ya bu l'o bu teke ono be Nwa-o-mebyi-ekemu ono a-bya; a phugbaru iya; Nnajiufu, bu Jisosu egude uphereonu iya gbua ya. Yo buru nwijnwii ono, Nnajiufu a-nodu egbu teke oo-bya ono be bu mkpakọ iphe e-me Nwa-o-mebyi-ekemu ono; yo buru kpurupyata. ⁹ Abyabya, Nwa-o-mebyi-ekemu ono a-bya be bukwa l'ike ke Setanu be oo-shi; yo bya egude ugho meshilaha iphe-ophulanya; me iphe-ophubama, dugbaa biribiri. ¹⁰ Yo gude iphe bu ejo ugho obu-iwe eduphushi ndu ono, buwa ndu ephe l'iya a-la l'iyi ono. Iphe meru iphe ephe a-laa l'iyi ono bukwa l'ephe jikaru oyeru okpobe okfu ono obu, bukwanu iya gega dzokwanu ephe ono. ¹¹ Oo ya meru iphe Nchileke haru ephe; ephe eshisweshia uzo; shiswee ya k'ophu o bulephu iphe ta budu okpobe okfu be ephe ekwetaje l'o bu okpobe okfu. ¹² Eke o wukoru aburu l'iphe bu ndu ono, e-te kwetadu okpobe okfu ono; buchiaru ejo iphe ka ephe otso ena ono be Nchileke a-nmakota ikpe.

*Nchileke fotaru unu;
t'o dzota unu*

¹³ Unwunna ayi; Nnajiufu yekwaru unu obu. O dukwa l'o bu ugwo; ayi ejiru iya; bu iya bu l'ayi a-nodujekpelephu ekele Nchileke ekele

l'okfu ẹhu unu; okfu l'o vuhaodururu ọzo fọta unu tẹmanu b'o mederu mgboko; k'ọphu ọo-dzọfuta unu; mbu; oo-shikwa l'ẹka Ume-dụ-Nso ono, ere ire l'ẹhu unu ono; mẹ ekwekwe ono, unu kweru ọkpobe okfu ono; dzọo unu. ¹⁴ Ono bu iphe o shi l'ẹka ozi-oma ono, ayi ziru unu ono kua unu oku iya; tẹ unu lẹ Nnajiufu ayi, bu Jisosu Kuráyisutu gbaru mgba nweru ọdu-biribiri iya. ¹⁵ Ọo ya bu; unwunna ayi; unu vudo vudoshia ike; gudeshia ọkpobe okfu ono, ayi ziru unu ono ike: mẹ ayi -gude ọnu kfuaru iya unu; mẹ ayi -deru iya edede l'ẹkwo-ozu nọ unu.

¹⁶ Nchileke, bu Nna ayi bẹ koshiwaru ayi lẹ ya yeru ayi obu. O shi l'eze-iphe-oma ono, o meru unu ono dụa unu ike; shiwaru ẹge ono mee t'obu shihu unu ike gbururu jeye lẹ tutu yoyo. Yọ bya emekwaaphu; ayi amaru ọgbodo amaru lẹ Nchileke bẹ a-nu ayi iphe ono, ayi ele ẹnya iya ono. Tẹ Nchileke ono yẹle Nnajiufu ayi, bu Jisosu Kuráyisutu ¹⁷ mee t'obu shihu unu ike; mekwaaphu unu t'unu dụ ike ome iphe dụ mma, unu emekpo ememe; kfuje okfu, dụ mma l'ọnu.

3

Unu kfujeru nọ Nchileke l'okfu ẹhu ayi

¹ Unwunna ayi; ẹke, ayi a-sube iya ishi bu t'unu kfujeru nọ Nchileke l'okfu ẹhu ayi: t'o mee t'ozu-oma kẹ Nnajiufu kafa ọbarahu abarahụ dzuru ẹkemeke ọbule ẹgwegwa; a kwabejekwaphu ozi-oma ono ugvu; ẹge ono, unu akwabeje iya ono. ² Unu ekfukwaruphu nọ Nchileke t'ọ dzọo ayi l'ẹka ndu iwe; mẹ l'ẹka

ndu ejo madzụ; okfu l'ẹ tọ buebedu ndiphe mgburumgburu bẹ kweru k'ozí-oma ono.

³ Obenu lẹ Nnajiufu bụ onye evudoshije ike l'iphe o kfulu. Oo ya bụ onye e-me t'unu shihu ike; tẹ ẹka O-me-njọ ono be ru unu l'ẹhu. ⁴ Obenu l'ayibedua bẹ Nnajiufu mewaru; ayi ta awaheru unu obu. O doru ayi ẹnya l'unu eme-e iphe ayi sụru unu t'unu meje; mbụ l'unu e-meru iya tughbuwaruru.

⁵ Tẹ Nnajiufu duzia unu ụzo; k'ophu unu a-kafua onodu eyeru Nchileke obu eje l'ifu; mẹ k'ophu ọta-nshi unu a-bụ ophu shi l'ẹka Kuráýisutu.

Madzụ jefutaje ozi

⁶ Unwunna ayi; iphe ayi gude ẹpha Nnajiufu, bụ Jisọsu Kuráýisutu ekfulu unu nta-a bụ: t'unu bujeru ụba yeru iphe bụ nwanna, ẹniruru ozi nọ; yọ jịka ome iphemiphe obule ono, ayi ziru unu t'unu meje ono. ⁷ Iphe obu bụ l'unubedua marua l'unu mutafutaje umere ayi; l'eme ẹge ayi shi eme. Ayi te shikwa buru ndu ẹniruru ozi teke ayi l'unu shi nọdu. ⁸ M'ẹ to nwekwa onye ayi natajeru iphe ria kẹ ẹwoma. Iphe ayi gbe emeje bụ l'ayi ejetaje ozi: eswe l'enyashi jeye; ike labu agvu ayi; k'ophu ẹ too nwedu l'unu ha, onye ophu ayi a-pata mkpa ẹhu ayi je ebo t'ọ buru iya ivu ẹra. ⁹ Iphe kparu iphe ayi shi eme iya ẹge ono ta bukwa l'ẹ tọ gbadu kẹ t'ayi bo unu mkpa ẹhu ayi. Iphe kparu iphe ayi meru iya bukwa t'ayi gude umere ayi koshi unu iphe unu e-letaje ẹnya eme. ¹⁰ Mbụ jeyekpokwa lẹ teke ayi shi

nọdu lẹ nk'unu bẹ ayi kfuhaakwaru unu iphe-a; kfushia ya ike; sụ unu: “T'ẹ b'e ewojekwaru nri nụ onye ẹniriru-ozì.”

¹¹ Iphe ayi gude ekfu iphe-a bụ l'ayi nwaru l'o nweru l'unu ha ndu ophu bụ ndu ẹniriru ozi; ndu bụlephu o-jeru-okfu-ẹ-te-kudu-ẹphe; to nwe iphe ọdo, ẹphe emeje. ¹² Ndu dū ẹge ono bẹ ayi gudekwa ẹpha Nnajiufu, bụ Jisọsu Kuráýisutu ekfuru ẹphe; alọ ẹphe ẹka lẹ nchị; sụ t'ẹphe dobekwaphu onwẹphe ndo; seje akanya ẹhu ẹphe; seta iphe ẹphe e-gude buru.

¹³ Obenu; unwunna ayi; tẹ ike ba agvụkwa unu l'ome iphe dū mma.

¹⁴ Teke bụ l'o nweru onye jikaru lẹ ya te emedu iphemiphe ọbule ono, ayi deru l'ẹkwo-ozì-a ono; unu hụbelekwapu onye ọbu ama; bufu iya; t'ẹ b'o nwekpokwaa iphe unu l'iya e-je emegba; k'ọphu iphere a-dū iya. ¹⁵ Olobu; unu be mekwa iya l'a -suru l'ọ bụ onye okfu unu. Unu lojee ya ẹka lẹ nchị; l'ọo nwanna unu b'ọ bụ.

Mkpọ-chi ishi ẹkwo-ozì-wa

¹⁶ Tẹ Nnajiufu l'onwiya, bụ iya bẹ ẹhu-agu eshije l'ẹka; mee t'ẹhu dọjekpelephu unu agu; t'o mejekpelekwaphu t'ẹhu dū unu agu ono mkpụrumkpuru l'iphe bụ iphe byaru nụ. Tẹ Nnajiufu nọdu swiru unu l'unu ha.

¹⁷ Ọ bụ mbedua, bụ Pọlu gẹdegede gude ẹka mu ede ekele-wa. Ọ bụakwa ẹge mu edeje iya edede. Ọo ya bẹ unu e-gudeje hube iphe bụ ẹkwo-ozì, mu deru ama.

¹⁸ Tẹ Nnajiufu ayi, bụ Jisọsu Kuráýisutu meeru unu l'unu ha eze-iphe-ọma.

Bayiburu Ikwo
Ikwo: Bayiburu Ikwo Bible

copyright © 2014 Wycliffe Bible Translators, Inc.

Language: (Ikwo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

3867ef4e-3384-5ab4-a937-63476bb8a7bb